

II. ԱՆՀԱՄԱՊԱՏԱՍԽԱՆՈՒԹՅՈՒՆՆԵՐԻ ԵՎ ԽԵՂԱԹՅՈՒՐՈՒՄՆԵՐԻ ՎԵՐԱԲԵՐՅԱԼ ԳՐԱՌՈՒՄՆԵՐ

«Տնտեսական զարգացման և ներդրումների նախարարություն» պետական կառավարչական հիմնարկի գործունեության վերաբերյալ

Հայաստանի Հանրապետության տնտեսական զարգացման և ներդրումների նախարարությունը գործադիր իշխանության հանրապետական մարմին է, որը մշակում, իրականացնում և համակարգում է տնտեսական քաղաքականությունը և կատարում վարվող քաղաքականության արդյունքների գնահատում:

Պետական բյուջեից նախարարությանը 2017թ. նախատեսվել է 890,528.3 հազ. դրամ, 2018թ.՝ 828,576.9 հազ. դրամ, փաստացի ծախսը 2017թ. կազմել է 830,600.8 հազ. դրամ (կամ կատարողականը կազմել է 93.3%), 2018թ.՝ 865,775.1 հազ. դրամ (կամ կատարողականը կազմել է 104.5%): Արտաբյուջետային միջոցների հաշվին 2017թ. նախատեսվել է 405,967.4 հազ. դրամ, 2018թ.՝ 506,926.6 հազ. դրամ, փաստացի ծախսը 2017թ. կազմել է 372,285.2 հազ. դրամ (կամ կատարողականը կազմել է 91.7%), իսկ 2018թ.՝ 320,511.5 հազ. դրամ (կամ կատարողականը կազմել է 63.2%):

Շուկայի վերահսկողության տեսչական մարմինն 2017թ. նախատեսվել է 132,059.6 հազ. դրամ, փաստացի ծախսը կազմել է 125,275.3 հազ. դրամ (կամ կատարողականը կազմել է 94.9%), իսկ 2018թ.՝ 141,532.9 հազ. դրամ, փաստացի ծախսը՝ 137,488.7 հազ. դրամ (կամ կատարողականը կազմել է 97.1%):

Զբոսաշրջության պետական կոմիտեն 2017թ. նախատեսվել է 102,627.9 հազ. դրամ (ներառյալ՝ 41,180.0 հազ. դրամ դրամաշնորհ), փաստացի ծախսը կազմել է 86,963.9 հազ. դրամ (կամ կատարողականը կազմել է 84.7%), իսկ 2018թ.՝ 77,660.6 հազ. դրամ (ներառյալ՝ 3,756.5 հազ. դրամ մարմնի կարողությունների զարգացման ծրագիր), փաստացի ծախսը՝ 74,133.51 հազ. դրամ (կամ կատարողականը կազմել է 95.5%):

Բյուջետային ծախսերի և բյուջետային պարտքերի մասին հաշվետվությունները (թղթային) լրացվել են ոչ ճիշտ:

Գործադիր իշխանության, պետական կառավարման հանրապետական և տարածքային կառավարման մարմինների պահպանում ծրագրի կատարման վերաբերյալ ներկայացված

բյուջետային ծախսերի և բյուջետային պարտքերի մասին 2017-2018թթ. հաշվետվությունները (Ձև 2) լրացնելիս չեն պահպանվել ՀՀ ֆինանսների նախարարի 01.04.2015թ. թիվ 176-Ն հրամանի համապատասխան պահանջները: Մասնավորապես՝

- Նախարարության 2018թ. Ձև 2 (թղթային) հաշվետվության մեջ «Տարեսկզբին հաստատված տարեկան նախահաշիվ» սյունակում արտացոլված 52,618.0 հազ. դրամը պետք է արտացոլվեր «Տարեկան նախահաշվում փոփոխություններ» սյունակում, ինչի հետևանքով

անհամապատասխանություն է առաջացել պետական բյուջեով նախատեսված և հաշվետվության մեջ ներկայացված գումարների միջև:

- Զբոսաշրջության պետական կոմիտեի 2017թ. Ձև 2 հաշվետվության մեջ ներառվել է կոմիտեին առանձին տրամադրված դրամաշնորհը, ինչի հետևանքով հաստատված նախահաշիվը 61,447.9 հազ. դրամի փոխարեն ներկայացվել է 102,627.9 հազ. դրամ, իսկ փաստացի ծախսը 57,576.27 հազ. դրամի փոխարեն՝ 86,963.97 հազ. դրամ:
- Զբոսաշրջության պետական կոմիտեի 2018թ. Ձև 2 հաշվետվության մեջ անճշտության չափը կազմել է 1,894.9 հազ. դրամ: Մասնավորապես՝ պետական բյուջեից հատկացված միջոցները ներկայացվել է հաշվետվության «Տարեկան նախահաշվում փոփոխություններ» սյունակում, իսկ հաշվետվությունում փաստացի ծախսերի մեջ արտացոլվել է նաև մարմնի կարողությունների զարգացման ծրագրի շրջանակներում հատկացված միջոցները:

Աշխատանքի վարձատրություն հոդվածով (ներառյալ նախարարի աշխատակազմի ծախսերը) 2017թ. նախատեսվել է 832,643.6 հազ. դրամ, 2018թ.՝ 768,794.2 հազ. դրամ, փաստացի ծախսը 2017թ. կազմել է 783,892.2 հազ. դրամ, 2018թ.՝ 817,962.8 հազ. դրամ: Վերոնշյալ հոդվածով շուկայի վերահսկողության տեսչական մարմնին 2017թ. նախատեսվել է 117,171.2 հազ. դրամ, 2018թ.՝ 124,204.4 հազ. դրամ, փաստացի ծախսը 2017թ. կազմել է 117,171.2 հազ. դրամ, 2018թ.՝ 127,865.4 հազ. դրամ: Զբոսաշրջության պետական կոմիտեին աշխատանքի վարձատրության հոդվածով 2017թ. նախատեսվել է 51,280.0 հազ. դրամ, 2018թ.՝ 69,466.2 հազ. դրամ, փաստացի ծախսը 2017թ. կազմել է 50,885.7 հազ. դրամ, 2018թ.՝ 69,315.3 հազ. դրամ:

2017թ. մարտի 30-ի ՀՀ կառավարության թիվ 332-Ն որոշման համաձայն՝ նախարարության աշխատակազմի աշխատողների աշխատավարձեր և հավելավճարներ հոդվածից 37,123.0 հազ. դրամը նվազեցվել ու տեղափոխվել է ՀՀ կառավարության պահուստային ֆոնդ, ընդ որում՝ պարզևատրման համար նախատեսված ֆինանսական

միջոցներից համապատասխան չափով նվազեցում չի կատարվել:

Գործադիր իշխանության, պետական կառավարման հանրապետական և տարածքային կառավարման մարմինների պահպանում արտաբյուջետային միջոցների հաշվին հոդվածով 2017թ. նախատեսված 405,967.4 հազ. դրամից 249,000.0 հազ. դրամը (61.3%), իսկ 2018թ.՝ 506,926.6

հազ.դրամից 213,600.0 հազ. դրամը (42.2%) ուղղվել է պարզևատրումներին, դրամական խրախուսմանը և հատուկ վճարներին: Հարկ է նշել, որ համաձայն «Ապրանքային

**Արտաբյուջետային միջոցների
հաշվին 2017-2018թթ. մտավոր
սեփականության գործակալության
աշխատակիցները պարզևատրվել են
միջինը 120%-ով, իսկ
նախարարության ղեկավար
անձնակազմը՝ միջինը 250%-ով:**

նշանների մասին» ՀՀ օրենքի պահանջների, արտաբյուջետային միջոցների հաշվին գոյացած միջոցները, կառավարության սահմանած կարգի համաձայն, ուղղվում են մտավոր սեփականության պահպանության համակարգի զարգացմանը, այդ թվում՝ կադրերի պատրաստմանը, խրախուսմանը և տեխնիկատեխնոլոգիական վերազինմանը: Նախարարությունը 2017-2018թթ. չի պահպանել վերոնշյալ օրենքի պահանջները՝ յուրաքանչյուր եռամսյակ նախարարի հրամաններով 2017թ.՝ 229,000.0 հազ. դրամ, իսկ 2018թ.՝ 213,600.0 հազ. դրամ ուղղվել է աշխատակազմի պարգևատրմանը: Ընդ որում, մտավոր սեփականության գործակալության աշխատակիցները 2017թ. և 2018թ. պարգևատրվել են միջինը 120%-ով, իսկ նախարարության ղեկավար անձնակազմը՝ միջինը 250%-ով: 2018թ. դեկտեմբերին 4,931.6 հազ. դրամի չափով պարգևատրվել են աշխատակիցներ, որոնց աշխատանքի տևողությունը նախարարությունում չի գերազանցել երկու ամիսը: Որոշ դեպքերում, այդ ժամկետը պակաս է անգամ 15 օրից, մասնավորապես՝ 2018թ. նոյեմբերին 15-ին աշխատանքի ընդունված աշխատակիցները պարգևատրվել են դեկտեմբերի 4-ին, 19-ին և 21-ին, իսկ դեկտեմբերի 6-ին աշխատանքի ընդունվածը՝ դեկտեմբերի 19-ին և 21-ին և այլն: Ավելին, ստացվում է, որ նախարարության աշխատակիցների 93%-ը ներգրավված են եղել մտավոր սեփականության պահպանության համակարգի զարգացման գործում:

Արտաբյուջետային միջոցների հաշվին նախարարությունից անօրինական ձևով աշխատանքից ազատվելու պատճառով՝ երեք նախկին աշխատակիցների հարկադիր պարապորդում գտնվելու ամբողջ ժամանակահատվածի համար (01.09.2012-25.01.2017թթ) 2017թ. վճարվել է 25,296.8 հազ. դրամ՝ որպես հատուցում, միջին աշխատավարձի չափով:

**Նախարարության կողմից
2017-2018թթ. եկամտային
հարկի գծով 5,542.5 հազ.
դրամ ավելի չհիմնավորված
վճարում է կատարվել:**

Նախարարությունը եկամտային հարկի գծով ունեցել է գերավճար, որը 2017թ. տարեվերջին կազմել է 1,810.0 հազ. դրամ, իսկ 2018թ. տարեվերջին՝ 3,732.5 հազ. դրամ: Չի պահպանվել «Բյուջետային համակարգի մասին» ՀՀ օրենքի 2-րդ հոդվածի 1-ին մասի և 6-րդ հոդվածի 3-րդ մասի պահանջները, ինչի հետևանքով 2017-2018թթ.

եկամտային հարկի գծով որպես գերավճար կատարվել է 5,542.5 հազ. դրամով ավելի չհիմնավորված վճարում:

Նախարարության աշխատակիցների աշխատանքի վարձատրություն հոդվածի հաշվեքննության ընթացքում արձանագրվել է արձակուրդային գումարների, վերջնահաշվարկի, անաշխատունակության նպաստների, արհմիութենական վճարների ինչպես ավելի, այնպես էլ պակաս հաշվարկման դեպքեր:

2017-2018թթ. վերջնահաշվարկի և արձակուրդային գումարների հաշվարկներում խեղաթյուրումների ընդհանուր չափը կազմել է 2,731.4 հազ. դրամ:

Վերջնահաշվարկի և արձակուրդային գումարների հաշվարկներում 2017թ. արձանագրվել է 192.0 հազ. դրամ ավելի վճարման 9 դեպք, իսկ 2018թ.՝ 697.1 հազ. դրամ ավելի վճարման 11 դեպք:

Զբոսաշրջության պետական կոմիտեի աշխատանքի վարձատրության հոդվածով 2017թ. արձանագրվել է 590.6 հազ. դրամի չափով պակաս վճարման 10 դեպք, իսկ 2018թ.՝ 1,251.7 հազ. դրամի պակաս վճարման

18 դեպք:

Շուկայի վերահսկողության տեսչական մարմնի ղեկավարը 2017-2018թթ. 2,679.2 հազ. դրամով պարգևատրել է ինքն իրեն:

Աշխատանքի վարձատրություն հոդվածով Շուկայի վերահսկողության տեսչական մարմնում չի պահպանվել «Տեսչական մարմինների մասին» ՀՀ օրենքի 8-րդ հոդվածի 1-ին և 4-րդ մասերի և Տեսչական մարմնի կանոնադրության 16-րդ և 21-րդ մասերի համապատասխան պահանջները,

ինչի հետևանքով 2017-2018թթ. մարմնի ղեկավարը, չունենալով նման լիազորություն, պարգևատրել է ինքն իրեն 2017թ.՝ 1,686.6 հազ. դրամ, 2018թ.՝ 992.6 հազ. դրամ (պաշտոնավարման ժամկետը շուրջ 3 ամիս) և տեղակալներին 2017թ.՝ 1,150.8 հազ. դրամ, 2018թ.՝ 2,331.4 հազ. դրամ:

Զբոսաշրջության պետական կոմիտեի նախագահը 2017-2018թթ. պարգևատրել է ինքն իրեն 1,823.6 հազ. դրամ:

Անհամապատասխանություններ են արձանագրվել նաև Զբոսաշրջության պետական կոմիտեի աշխատանքի վարձատրության հոդվածի հաշվեքննության ընթացքում: Կոմիտեի նախագահը 2017-2018թթ. պարգևատրել է ինքն իրեն, 2017թ.՝ 882.6 հազ. դրամ, իսկ 2018թ.՝ 941.0 (պաշտոնավարման ժամկետը շուրջ 6 ամիս): Միաժամանակ, ՀՀ տնտեսական զարգացման և ներդրումների նախարարը ևս չունենալով կոմիտեի աշխատողներին պարգևատրելու լիազորություն, 2018թ. դեկտեմբերին 3,997.5 հազ. դրամով պարգևատրել է նրանց, այդ թվում նաև կոմիտեի նախագահին (562.2 հազ. դրամ):

Աշխատաժամանակի հաշվարկման տեղեկագրերը մասամբ լրացվել են ոչ ճիշտ Մասնավորապես նախարարությունում՝

- 2017թ. հունվարի 30-31-ը և հունիսի 28-30-ը համապատասխան ամիսների տեղեկագրերում նախարարի տեղակալի ներկայությունը հավաստող նշում է կատարվել, այնինչ վերջինս գտնվել է գործուղման մեջ, մի դեպքում՝ Արաբական Միացյալ Էմիրություններում (հունվարի 29-ից փետրվարի 1-ը), մյուս դեպքում՝ Ռուսաստանի Դաշնությունում: